

**Uunga siunnersuut: Suliassat meeqqanik kinguaassiuutitigut atornerluinermut tunngasut pisoqalisinnaannginnerannik qulakkeerisumik Kalaallit Nunaanni pinerluttaalisitsinermut inatsisimmi § 21-p imaanik allanngortitsitsinissaq siunertaralugu Inatsisinik Atortitsinermut ministeri siunnersuummik saqqummiusseqqullugu qinnuigineqarnissaa pillugu, Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Astrid Fleischer Rex, Demokraatit)

### **Akissuteqaat**

(Nunamut Namminermut, Pinngortitamut Avatangiisinullu Naalakkersuisoq)

### **Aappassaaneerinnineq**

Inatsisinut Ataatsimiititaliap sukumiisumik isumaliutissiissutaanut Naalakkersuisut sinnerlugit qujavunga.

Naalakkersuisut malugaat Inatsisinut Ataatsimiititaliap pisariaqartikkaa suliassani kinguaassiuutitigut meeqqaanik atornerluisoqartarnerannut tunngasuni mianerisassat immikkut ittut pissutaallutik inatsimmi paatsoorneqarsinnaanngitsumik allaqqasoqassasoq suliassat taamaattut pisoqalisinnaanngitsut.

Taamaattumik Inatsisartuni aalajangiunneqartoq tunuliaqutaralugu Naalakkersuisut Justitsministerimut saaffiginnissuteqassapput siunnersuutigineqartup piviusunngortinneqarnissaa siunertaralugu.